

pem decet, cæteris silentium induxisse videatur, attingam alios.

M. T. CICERO.

MT. Cicero, Quintum Fratrem, ac Lentulum habebat generum, homunciones pusillæ admodum staturæ, in vtrunque cauillatus est. Venerat, in provinciam cui Frater præfuerat, illic imaginem eius clypeatam, quàm amplissima forma, & ad pectus depictam (vt mos erat) cernens. Frater, inquit, meus maior est dimidius quàm totus. Rursus generum ingenti gladio accinctum videns: Quis generum meum ad gladium alligavit: quo ioco nunc erga insignis paruitatis homines vulgò vtimur. Alter illi gener erat Piso, qui cum incessu cunctatior foret, quam conueniret viro, filia ex diuerso concitator quàm deceret foeminã, vno verbo lusit in vtrumque. Ait enim filia: Ambula vt vir: anceps iocus duos simul pupugit. Apud Damasippũ cœnans, cum ille mediocre vinum mensæ adhibitum, grandiloquis verbis attollens diceret: Bibite phalernum hoc, quadraginta annorum est. Respõdit. Benè fert ætatem. Facete, vnde gloriam ille vino petebat, hic veniã dedit. Illusit & in Iul. Cæsarem, ad